



## Comunicado di Prensa

16 februari 2022

### **Cft: "Probecha e recuperacion economico pa fortalece e economía di Corsou di un manera sostenibel"**

**Willemstad – Cu e recuperacion di turismo, e economia tambe ta recuperando di nobo. Corsou mester probecha e periodo di recuperacion pa reforma structuralmente y fortalece su economia di un manera sostenibel. E Colegio di supervision financiero di Corsou y Sint Maarten (Cft) a insisti den su combersacionnan reciente cu Gobierno di Corsou. Aunke e economia ta recuperando, e desafionan pa Corsou ta sigui ta grandi. Corsou mester converti e deficit di e servicio regular den surplus, hiba e debe publico na un nivel aceptabel y implementa e reformanan pa garantisa e sistema di siguridad social pa e generacionnan futuro.**

Segun Banco Central di Corsou y Sint Maarten na aña 2021 a cera cu un crecimiento real di 1.7 por ciento. Pa e aña aki, e crecimiento economico real lo ta na 6.6 por ciento. Sinembargo, e añanan di recesion economico y e aumento di debe publico a empeora significativamente e finansa publico. E debe publico di Corsou actualmente ta na 4.3 miljard di Florin Antiyano. Corsou ta enfrentando un gran desafio pa reduci e debe publico y hiba esaki na un nivel sostenibel mas pronto posibel. E combinacion di reforma di e "Landspakket", e inversionnan specifico y un politico fiscal stricto mediante un reduccion structura di e costonan di e sector publico y cuidio medico mester garantisa un crecimiento economico grandi y un disminucion di e debe publico.

#### **Presupuesto 2022 y e añanan siguiente**

E presupuesto fiha pa aña 2022 ta muestra un deficit di 162 miyon di florin Antiyano pa e servicio regular. Cft a enfatisa riba e importancia di logra un presupuesto ekilibra den aña 2023 y un surplus den e añanan siguiente pa por cuminsa cu e pagonan di e debe publico. Por ehempel den aña 2025 mester debolbe un prestamo di 140 miyon cu ainda ta existi precedente di e restructuracion di e debe di aña 2010. E parti positivo ta cu Corsou a logra cu exito e recuperacion di impuesto atrasa den e ultimo seis lunanan. Den aña 2022, ademas di un aumento nobo den cumplimiento di impuesto, e restructuracion anuncia door di e autoridad fiscal mester conduci na e ingreso fiscal structuralmente mas halto.

#### **E reformanan y inversionnan**

E reformanan acorda den e "Landspakket" ta esencial, esaki ta pa aumenta e potencial di crecimiento di e economia di Corsou. E oportunidadnan cu e "Landspakket" ta ofrece, mester beneficia y mester por afronta cu masha diligencia. E inversionnan specifico manera e infraestructura mester contribui na e crecimiento economico sostenibel. Ta indispensabel traha un plan di inversion a base di cua por realiza un evaluacion integral. Den consulta cu Hulanda ta sigui vigila si Corsou por haya prestamo pa inversion di capital anticipando e ekilibrio di e servicio regular pa aña 2023.

#### **Cuido y siguridad social**

Cft a bolbe enfatisa e necesidad di spaar pa economisa den cuidio y siguridad social pa garantisa e disponibilidad di e sistema pa e generacion futuro. Corsou ta paga un contribucion anual di e



presupuesto di 306 miyon Florin Antiyano na e fondonan social además di e obligaci6n pa compensa e deficit den e fondo flotante. E gobierno na aña 2021 a dicidi pa bin cu 15 medida pa asina garantiza cu e pais no mester paga un contribucion adicional e aña ey como tambe e proximo pa cubri deficit den e fondonan social. Un implementacion corecto y puntual di e medidanan ta bai ta crucial. Pa e añanan siguiente ta premira deficitnan nobo den e fondo flotante y por lo tanto ta bai tin mester di mas austeridad.

E situacion financiero inestable di Corsou Medical Center (CMC) ta preocupa Cft. Cft a pidi pa yega na acuerdonan bon y duradero entre e país, Banco di Seguridad Social y CMC. Ademá recorda nan riba e acuerdo di e costonan operativo halto di CMC cu mester keda compensa cu e medidanan di eficiencia den cuidado. E progreso di e implementacion di e medidanan ta demasiado limita y Cft ta pidi un biaha mas pa por ehempel baha e costonan di e medicamentonan y pone mas tempo den e proceso legislativo necesario pa logra resultadonan visibel rapidamente.

Cft a bishita Corsou di 14 te cu 16 di februari 2022 y a tene combersacionnan cu e Gobernador, e ministro di Finansa, e ministro di Salubridad, Medio Ambiente y Naturalesa, e ministro di Trafico, Transporte y Ordenacion di Teritorio, e Consejo di Ministro y e Comision Financiero di Parlamento. Cft a combersa tambe cu e Gerencia di CMC y di CBCS.

Cft Bonaire, Sint Eustatius y Saba (Cft BES) tabatin un reunion virtual dia 15 di februari 2022 cu Colegio Ehecutivo di Bonaire.

Recientemente, a incorpora dos miembro nobo den e Colegio, cual ta señor Hans Hoogervorst como miembro riba recomendacion di Hulanda pa Colegio di supervision financiero di Aruba, Cft Corsou y Sint Maarten y Cft BES y señora Julisa Frans como miembro riba recomendacion di Sint Maarten pa Cft Corsou y Sint Maarten.

[Fin di e Comunicado di Prensa]

**Fotografo:**

Berber van Beek

**Texto na e potret:**

Corsou mester logra un presupuesto ekilibra den aña 2023 y un surplus den e añanan siguiente.

**Nota pa redaccion – no pa publicacion**

Contacto cu Cft:

Secretariado di e Colegionan di supervision financiero  
Telefon +5999 461-9081 / +5999 461-9082 / +5999 461-9084  
Email info@cft.cw  
Website [www.cft.cw](http://www.cft.cw)

Persona di contacto cu Prensa:

Jefka Alberto  
Telefon +5999 512-6861